

ՏՈՆԱԿԱՆ ՀԱՄԵՐԳ ԱՐԱՄ ԽԱՉԱՏՐՅԱՆԻ ԱՆՎԱՆ ՀԱՄԵՐԳԱՍՐԱՀՈՒՄ ՆՎԻՐՎԱԾ ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆԻ 130-ԱՄՅԱԿԻՆ

Նոյեմբերի 6-ին Գևորգյան հոգևոր ճեմարանի 130-ամյակին նվիրված հանդիսությունները եզրափակվեցին Արամ Խաչատրյանի անվան համերգասրահում Կոնստանտին Կոնստանտինովի կողմից համերգով:

Հանդիսության ընթացքում «Էջ Միածինն ի Կօրէ» շարականի երգեցողության ներքո բերվեց Ամենայն Հայոց Կաթողիկոսի Սրբապառ Կոնդակը՝ նվիրված ճեմարանի 130-ամյակին, որն ընթերցեց Արարաթյան Հայրապետական թեմի առաջնորդական փոխանորդ Տ. Նավասարդ եպս. Կոնյանը:

«Տևական դադարից հետո Գևորգ Զ երախտարժան Կաթողիկոսի ձեռքով վերաբացվեց ճեմարանը և Վազգեն Ա ու Գարեգին Ա երջանկահիշատակ Հայրապետների բարեխնամ հոգածության ներքո՝ հոգևոր սպասավորության ճանապարհեց հարյուրավոր եկեղեցականների: Այսօր Հայ Եկեղեցու անդամատուն, նրա հայաստանյան և արտերկրյա քաղաքներում թեմերում նվիրումով ծառայում են ճեմարանի ավագ և կրթական սերնդի շրջանավարտները, ովքեր սիրով ուսանեցին ու հաստատվեցին հոգևորականի իրենց կոչման մեջ: Մենք նույնպես երախտապարտ շրջանավարտը Մայր Աթոռի հոգևոր ճեմարանի՝ նույն խնամքով ու նախաձեռնությամբ պիտի հոգանք, որ ճեմարանը գործի լիաշունչ և, ինչպես 130-ամյա իր պարմությամբ է, շարունակի լինել անբաժան մասը հայոց հոգևոր կյանքի և ողջ հայ իրականության: Ծառունակի լինել ու մնալ բազմադարյա ավանդների անխաթար պահպանողն ու փոխանցողը Սահակ-Մեսրոպյան դպրոցի և դարերի մեջ գործած վանական մեր բոլոր դպրոցների, որ կրթեցին ասարվածասեր ու հայրենասեր հոգին մեր ժողովրդի, արարչագործ ու հանճարածուհի ոգին և անեղծ պահեցին քրիստոնեական մեր հավատը՝ որ հայոց երկնքում վառ ու պայծառ և հավեր փայլի կանթեղի լույսը Սուրբ Լուսավորչի, խավարացի իր գործությամբ մթության ու խութերի միջից առաջնորդի դեպի խաղաղ ու օրհնյալ ափեր և լուսավորի ազատ կյանքի հաղթանակները»,- ասվում է Հայրապետական կոնդակում (Կոնստ. էջ 6):

Նշանակալից այս իրադարձության առիթով իրենց շնորհավորական ուղերձներն էին հղել ՀՀ նախագահ Ռոբերտ Քոչարյանը և ՀՀ վարչապետ Անդրանիկ Մարգարյանը:

«Հայաստանում գործող ամենաինքնավար ընտանիքային ուսումնական հաստատությունը բացառիկ է իր հարուստ փառեցողությամբ: Նրա էջերը արագություն են մեր ժողովրդի վերջին 130 տարվա հոգևոր, կրթամշակութային կյանքի պարմության:

Գևորգյան ճեմարանը կրթել և ասպարեզ է հանել հայ հոգևորականության և մարավորականության բազմաթիվ սերունդներ: Նրանց անձնվեր ծառայությունը և հայրենակներ գործունեությունը վեր է ամեն մի գնահատականից»,- ասվում է ՀՀ նախագահի շնորհավորական ուղերձում (Կոնստ. էջ 12):

«Գևորգյան Ճեմարանը մեր ժողովրդի եզակի կրթամշակութային օջախներից է, որը Մուրբ Էջմիածնի հովանու ներքո փասնամյակների իր բեղուն գործունեությամբ, ըստ ամենայնի, վաստակել է հայոց ազգային արժեքների շարքը դասվելու պարիվն ու իրավունքը: Հայոց մեծերի բազում սերունդներ իրենց մկրտությունն ստանալով սրբություն սրբոց այս կրթօջախում՝ նվիրումով ու փրկանքով են ծառայել մեր դպրությանն ու մշակույթին», - նշվում է ՀՀ վարչապետի շնորհավորական ուղերձում (տե՛ս էջ 13):

Համերգին ներկա էին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը, Հայաստանի և Սփյուռքի թեմակալ առաջնորդներ, կառավարության ներկայացուցիչներ, մշակույթի և գիտության գործիչներ:

Հանդիսությանը գեղարվեստական հայտագրով հանդես եկան Գևորգյան Հոգևոր Ճեմարանի, Վազգենյան Հոգևոր Դպրանոցի սաները, «Հովեր» երգչախումբը, Կոմիտասի անվան քառյակը և ՀՀ պետական ֆիլհարմոնիկ նվագախումբը:

ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՎԱՍՎԱԿԱՐԳ